



明代傳記叢刊・綜錄類⑤⑤  
周駿富輯

弇州山人續稿碑傳(二)

(明)王世貞撰

明文書局印行

W-270/11

弇州山人續稿卷之七十四

吳郡王世元美著

文部

傳

卓潑甫傳

卓潑甫者明卿其名月波其別號也以世所稱於潑甫者故云父曰卓翁潑甫少而肥皙美姿容眉目如畫居恒自謂丈夫當跨鐵襜磨墨盾鼻以取功名耳安能效老博士佔佔受役筆札於是從少年擊劍騎射習短長縱橫家言卓翁怒而撻之曰呼役夫而不

欲我飽牖下耶。潑甫乃感奮折節讀書，竟不帖帖舉子業，也不甚稱關閩而好王文成公學。曰：「以此而接濂洛上窺洙泗，卑吾願矣。」爲文喜擅弓莊，列左毅司馬於詩談，建安開元而材高廊落。小試有司，亡所就以例入成均，成均祭酒馬文簡公最號爲威嚴，晨朝諸生數百千人，顧獨目屬潑甫，曰：「何物姬生，此寧馨兒，試以文不盡取式，而奇問能詩否？」試以詩，又奇，則與談古今事，所占對益奇。歎曰：「是兒異日國器也。」潑甫旣見賞，馬公諸生人人心儀之矣。旣肄事他曹，滿還里而卓翁所爲課耕牧權子母出入息，獲贏過當。

家以有饒裕名潞甫乘間聽說曰饒裕名不易當也  
即不若散以市義使義名歸我不然而先王孫有僮  
奴者八千指田池射獵埒人君而一臨叩令得難之  
毋乃有所不足耶卓翁曰善乃爲畫策大啓塋兆以  
塋其王大父王父畢已割腴而資其後之爲庶息者  
已賙其戚黨之窶者已衣食其閭左之餒饑者又以  
其餘力治橋道創飾觀刹一時翕然歸義卓翁而會  
卓翁之庶長子曰文卿以明經舉於鄉卓翁日益重  
至有司奉冠帶推擇鄉飲賓而潞父氣益發舒所還  
往皆知名士多縱游吳郡武林佳山水輕舫小舉肉

倡絲和呼盧捲白卜夕移晷每一分闕命詠俊語闕  
出諸名士既欲傲潞甫以所不能而不得歲時伏臘  
更有所資旬以是卓潞甫著賢豪聲冠其儕伍俄而  
文卿天潞甫虞卓翁傷之百方婉解卓翁爲一加餐  
已而曰吾失嘉賓使人輕我若何潞甫乃謀之都下  
就選人列群公爭拂席以待曰江東卓生在吾耳久  
且賴生不寂寂太宰曰吾欲屈署生吏而資未及小  
緩之爲奏以光祿署丞俾需次於是潞甫名滿長安  
中亡何請急歸奉觴卓翁被服綺繡雍容甚都客皆  
具牛酒因潞甫交懽翁至傾郡卓翁乃喟然嘆曰嘉

賓故不亡也。潞甫前自責養未及。祿卓翁曰：吾安知祿吾所不乏者？七箸使吾安意健舉子之孝深矣。於是卓翁盡委潞甫家政，使撫其三弱弟，且教之隴於翁自撫而其爲施日廣。交道日益進，客有資潞甫金者，故倚酒慢罵，欲以嘗潞甫爲負。端潞甫改容謝過，却焚券，客乃愧遁去。其客京師而有李春者，困徼賦，急將鬻子女於市，得十金，直可辦潞甫聞其夫婦哭也，而憐之，捐十金以償卒，以其子女免。又嘗買勝任城得一女美而類其母，故潞甫中表親也，即還之不復問。直潞甫所爲德，非一大率類此。自潞甫之代

爲家家稍削而卓翁愈益重人或戲翁嘉賓散緡錢  
不令都司空咄咄耶翁笑曰嘉賓一日而散之盡今  
猶未也且彼自以爲名則不如吾兒遠卓翁以老壽  
終潞甫痛哭立嘔血將死盡徵其交游中能文者如  
陳 汪伯玉王元馭范 革使撰誌傳記表之  
屬以推揚卓翁而余兄弟亦與焉服除久之乃歎曰  
已矣困貲郎格亡所復展矣弟聞 天子聖明賢

公卿秩然而脩明禮樂政教之事今者尚得從從官  
後一寓目焉于是且北上而謂世貞曰子姑爲我傳  
之世貞曰吾爲子之父葬而表子之母葬而志所以

爲子足矣吾且倦筆硯激甫復曰唯子倦之所以請也即不以時請而一旦棄筆硯我何所藉爲且子名能操史外權而吾賤分不能自致之史非子何以使後世知有卓生也余故知激甫賢而憫其意爲傳之激甫甫五十而所著有藻林若干卷文集若干卷中林寓言天機列錦總若干卷其藻林文集已行世贊曰語云人觀榮名其有旣乎太史公之所以致歎於郭翁伯哉卓激甫爲人美麗善食酒談笑亡所不諧見而使人挹之其文學行誼抑何蘊藉宏至也稱矣跡其所游處若類俠者然好行隱德不自伐其有

所以葆身遺後者周哉毋論翁伯樸藪乏文彩即令  
隴澂甫奚取焉

張仲慧傳

張仲慧者定安其諱五世而自崇明徙而爲嘉定人  
大父情與弟意俱舉進士爲按察副使有聲文曰應  
武初以制科名數試不利棄去隱於邑之北鄉葛塋  
鎮善談名理及古今興衰大略仲慧生五月而能言  
五歲而習書十二歲而屬文秀髻眉清羸有姿態一  
出補博士弟子人皆目屬之而性稟孤潔不可以狎  
干尤不□□少年奇袤戲至於所交接談笑茹納溫

如也爲文獨好爲深沉思當其所構結不破的不止  
以故當試而遇賞識者必不以第二義相期他不能  
盡爾凡出應應天辟皆屈而益自刻厲於文踰冠而  
所娶婦朱氏舉一女而卒仲慧念以病弱故不肯娶  
父愛之與同卧起嘗扁其齋曰尊生謁余作小語題  
之而時時贊所業詩詩亦雅雋有味當庚辰之八月  
吾師雲陽子將羽化仲慧偕其從兄厚德托余爲  
紹介而請從弟子列苦要而後許手書一赫蹏授之  
曰太上無生次達生次養生次伐生仲慧實之若頭  
目居恒謂其所善唐時升婁孟堅曰吾始者欲及吾

身少畢所以酬吾父母者而後遊乎方之外含光葆  
真庶以引年今者內顧吾神爽若浮烟之將滅其能  
久乎因嘆息曰聞之石函當有僊者去此尚三十年  
即歿而猶可及度也 曇陽子之父曰宗伯元馭奇  
仲慧之爲人而館之與元馭之子衡琢劇甚洽也衡  
材高鮮所當意獨折節仲慧經術之暇相與談出世  
業大較仲慧之語衡如語二生者而其父前者已爲  
聘吾友人王指揮化女又至是當娶仲慧意不欲曰  
如伐生何父曰固也若師不廢倫若且不欲爲我蒸  
嘗計仲慧不得已乃娶而益不廢學又數以門戶枝

梧往來城邑間於是病羸日益甚而風寒乘之遂劇  
當其劇時恒持吾師旨凜凜若有見聞者卒之夕  
神氣乃更發舒家人擁而泣之弗顧數問唐生唐生  
至乃持其手曰吾向者語若云何不遂驗耶已而謝  
其父不終効爲子但堅志嚮道者隔世猶宿昔耳蹶  
然起坐小時遂奄然逝春秋僅三十仲慧逝之二月  
而王女舉一女自誓以節終其身所以撫育前女甚  
至蓋仲慧歿而其父乃大慟哭曰吾竅吾子不使究  
其天年唐生曰不然仲慧而知死何死也稍稍次其  
事授余俾傳而論贊之

介州生曰世之淺觀乎仲慧夭者太上無生茲其識  
非耶不然則且謂仲慧未得師而貴生後何乃伐生  
也是皆非知仲慧者旨乎其與二子言隔世猶宿昔  
也無生之或未能幾於達矣唐生以叔度擬仲慧過  
當跡其孝友至性虎和精進抑劉猷劉訐之倫歟年  
亦近之於乎悲夫

靖孝先生傳

鄉進士張基先生卒而吳之矜紳思之不置曰天子  
胡遽奪我張基也旣而不忍以名呼曰請考行而易  
之謚稱靖孝先生又旣而其子尚友草事行而屬余

請傳之余故善尚友而習先生之爲人甚詳乃爲靖  
孝先生傳先生字承祚更字德載其先自大梁徙而  
居吳之石里村再徙越溪歷宋季逮元世有聞人入  
明而爲工部郎瑾荊州守理處士璫兄弟皆以文學  
行誼聞而坐藍涼公敗株累一時見法子孫相戒不  
仕然皆讀書閑禮讓六傳而至尊江公銓起家知膠  
州進南安同守卒於覲所蒞皆以廉能著人祠而祀  
之先生生而肌理香賦稍長疑然端重甫踰髫能讀  
書屬文其試有司則皆謂南安公是夫有子矣初補  
博士弟子以易而會部使者募補孤經遂從趙汴先

生習春秋即以春秋名部使者馮公天馭邑令張公  
明道喻公時奇先生材而優之廩學宮尋舉應天薦  
當會試而有顯者故善南安公而爲校卷官密戚風  
公吾力能得之公以語先生先生曰奈何策仕而以  
私請乎公笑曰吾心也謝弗應已而下第歸屬疾久  
困醫藥間恍然若有懲者遂究心爲已之學病亦自  
愈屬當試而聞南安公計痛絕而蘇者再三啜粥而  
深墨起息苦塊其舍而且夕候其大母及母跡可數  
也服除復當試而善相者謂先生於骨法得上第而  
色有阻者何也先生念大母老雖善飯不可以徂遂